



汁

413
951
6



門 413  
號 351  
卷 6

甌北詩鈔七言律四

陽湖 趙翼 雲松

大正十年二月  
花房仙六郎氏寄贈

仙掌路

真州地名相傳柳著卿墓在焉故王阮亭真州詩有殘月曉風  
仙掌路何人為弔柳屯田之句然曾達臣獨醒志者卿死葬棗  
陽縣之花山每歲清明詞人集其下為  
弔柳會則柳墓不在真州也或訛傳耳

一邱兩地各爭高。只為填詞絕世豪。  
漢上有墳人弔柳。漳南多塚客疑曹。  
金莖名竟移沙渚。鐵板聲休唱浪淘。  
我趁曉風殘月到。縱無魂在亦蕭騷。

秧針

誰散銛鋒似嫩燕。纖柔不比劍裁蒲。  
引他梅雨絲絲縷。繡出繭風幅幅圖。  
翠剝出波真脫穎。綠芒承露亦穿珠。

甌北詩鈔

七言律四

一

笑看野老如樵指自詫拈針賣小姑

雜感

酒樓依舊繡簾垂。曾寄閒情杜牧之。紅粉已為山下土。白頭增感鬢邊絲。銀釭明燭傳觴令。錦瑟哀絃卻扇詞。老去風懷已銷歇。也因陳迹一含悲。

周長庚舊於坊刻詩選中見余名以為古人也今

邂逅山塘具述傾注之意答詩誌愧

姓名忝附選樓文。四十年來句已陳。敢說魏三今隱士。竟疑陽五古賢人。錦囊幸免遭投廁。紅袖知誰肯拂塵。所愧暮年何所就。猶將研削耗精神。

題元遺山集

身閱興亡浩劫空。兩朝文獻一衰翁。無官未嘗餐周粟。有史深愁失楚弓。行殿幽蘭悲夜火。故都喬木泣秋風。國家不幸詩家幸。賦到滄桑句便工。

題吳梅村集

才高綺歲早登科。俄及滄桑劫運過。仕隱半生樗散跡。興亡一代黍離歌。死遲空羨淮王犬。名盛難逃惠子騾。猶勝絳雲樓下老。老羞變怒罵人多。

國亡時早養親還。同是全生跡較閒。幸未名登降表內。已甘身老著書間。訪才林下程文海。作賦江南庾子山。

剩有沉吟偷活句令人想見淚痕斑

梅村得此可以無憾矣  
保泰

和友人拂水山莊感賦原韻

飛瀑依然萬點多當年養望此岩阿  
空山竟不生薇蕨破屋徒憐補薜蘿  
人笑褚公猶齒冷家還江令已頭皤  
如何領袖山林席名節翻輸一翠蛾

蕃釐觀懷古

一朵奇香換國家蕃釐觀裏出名葩  
遂勞下水風帆錦此亦南朝玉樹花  
應笑閣梅空冷淡曾偕隄柳映天斜  
至今根已無遺種化作傾城粉黛華

史閣部祠

遺像清高故相祠當年建闢已殘棋  
紛紜國事千絲亂辛苦軍籌一木支  
箕尾歸天空有氣衣冠作塚并無屍  
聖朝褒卹恩何厚碑版煌煌

御製詩

屢接秋帆開府手書兼寄珍裘賦謝

曳履雲霄已隔塵  
郇箋偏荷寄書頻  
尙餘范叔袍憐我不作宣明面向人  
廣厦更期分庇普  
緇衣敢辱好賢真  
五陵裘馬多同學誰念江湖老病身

同夢樓遊平山堂

切雲樓迥兩三層  
勝侶偕來快一登  
後輩舊隨前輩第

庚辰辛巳 廷

在家今作出家僧

君持齋已十餘年

持齋不用燒豬待

是日了凡代治具故以佛印為喻

拾級還同跨鶴昇也比蘭亭修禊會可應

作序寫吳綾

君書名擅一時

題棕亭見和長篇後即贈

一枝健筆領風騷老去詞源尚湧濤至死不僵蟲百足  
橫行無敵蟹雙螯青樓香徑尋花熟紅燭華筵對酒豪  
流寓恰當名士地康山風月價增高  
叢殘舊稿偶成編敢說人間快觀先數十暑寒吾輩老  
萬千著述幾人傳豈無郢唱能飛雪未到秦焚已化烟  
只有同時賞心樂三分讀到七分圓

秋思

街鼓沉沉夜正中清吟人坐畫欄東涼生旅館孤燈雨  
秋在高樓一笛風地縱近游仍是客身誇老健已成翁  
稍欣殘暑驅除去明日湖航泛碧空

子才書來驚開心餘之詩詩以哭之

斯人遂已隔重泉腸斷袁安一幅箋預乞碑銘如待死  
久淹床第本長眠君中風病卧已數年去冬子才過江西君預囑為其墓誌貧官身後惟千卷  
名士人間值幾錢磨鏡欲尋悲路阻茫茫烟樹哭江天  
書生不過稻梁謀磨蝎身偏願莫醜忽漫焚魚辭薊闕  
也曾騎鶴到揚州屢移家去無黔突君去官時先買宅金陵後掌教山陰揚州皆攜家住

晚又下再出山來已白頭何限世間陽翟賈傲人足穀與  
多牛

十年館閣每隨行角逐名場兩弟兄可畏隱然如敵國  
所當何處有堅城久將身入千秋看如此才應幾代生  
我痛自關人物謝區區豈特故交情

公讌三元錢湘船於未堂司寇第自司寇以下西

巖松坪涵齋既堂杜村及余皆詞館也江鄉此

會頗不易得司寇出歌姬侑酒以張之屬余賦

詩記勝卽席一首

綠酒紅燈紺袖花江城此會最高華科名一代尊沂國

絲竹千年屬謝家搗陣頻催拳似雨頭衙恰稱臉如霞

女郎顧四娘乞名於湘  
船湘船贈以霞娛二字

無雙才子無雙女併作人間盛事誇

六十自述

流年俄屆杖鄉期糶散生平概可知傳世料無青史分  
歸田曾及黑頭時閒增手錄書頻校瘦減腰圍帶屢移  
老姬縱然思再嫁頗慚面已皺生皮

十年屏跡卧江村往事真堪目笑存才子聲名徒嚇鼠  
好官滋味略嘗鼃篝燈一穗寒無燄木榻雙趺隱有痕  
子晉吹笙已仙去此翁長守藥爐溫

生平游跡遍天涯塞北交南萬里賒人羨見聞增宦轍

天如成就作詩家。翻來笳拍傳紅粉。繡入弓衣抵碧紗。  
一卷風烟紀行什。頗同海客泛星槎。

髻絲禪榻影飄蕭。看盡人間覆鹿蕉。尚未成僧緣食肉。  
久辭作吏且伸腰。所愁原壤無稱述。若比黔婁已富饒。  
消遣殘年復何事。江天風物寫漁樵。

平山堂似繡屏開。好友相招月幾回。地有歐陽遺跡在。  
人疑杜牧後身來。樓臺兩岸名園接。燈火中流畫舫迴。  
他日紅橋誌修稷。老夫曾此屢銜杯。

頗思隨俗一稱觥。儉歲家家食藿羹。安得點金施小惠。  
自嫌畫餅剩虛名。身無半畝憂天下。眼有千秋愧此生。

米貴恰宜師辟穀。好教年老漸成精。

寄述菴按察

蠻徼從戎髻未幡。記曾聯騎挽雕戈。王尊又上邛徠坂。  
劉秩真當曳落河。往事眼前如未遠。故人海內已無多。  
秦雲遙望三千里。甚欲相尋奈老何。

米價日增旅食不免節縮書此一笑

未試仙家辟穀方。且謀節食爲空囊。梅花瘦我疑孤鶴。  
菜把驕人食萬羊。門館漸稀留客飯。奴童竊誚減軍糧。  
卻慚書卷空填腹。不抵充饑一數糠。

菜花

始信東風氣力深。盡將原野作芳林。莊嚴老圃三春菊。富貴田家滿地金。正色遙分曇佛面。濃香不止女郎簪。前劉縱失桃花約。差免空來紫陌尋。

哭陸朗夫開府

紫薇紅藥老同年。開府纔登訃已傳。生有立身千仞壁。死無遺橐一文錢。曉衙鼓散心如水。夜館金來手指天。遙識湖湘清德在。有人墮淚峴碑前。

金山咏韓忠武事

滿江風捲怒濤聲。千載如聞戰鼓鳴。南渡君猶能將將。中權帥竟出卿卿。時清兵燹無遺跡。事往英雄尙大名。愧我亦曾身執戟。至今仍作一書生。

康山席上遇歌者王炳文沈同標二十年前京師

梨園中最擅名者也今皆老矣感賦

燕市追歡夢已賒。近游欣此度紅牙。豈期重聽何戡曲。恰是相逢劇孟家。歌舞夜闌看北斗。江湖身遠憶東華。當年子弟俱頭白。忍不飛騰暮景斜。

再過淮上晴嵐留飲荻庄卽事

潦後重來訪荻庄。西風踏葉徧籬牆。行厨酒屢斟重碧。留壁詩猶掛硬黃。家幸未沉河伯婦。人傳已作水仙王。淮白大水多訛傳之信衰年何意頻相見。把臂寧辭放老狂。



晴嵐以余六十在詩稱祝次韻奉答

交誼真叨白首新好詩矜寵到鱸蓴十年以長公稀古  
君年七十一事無成我負春來日固難多去日後人將又視  
今人文章功業俱安托虛忝儒冠七尺身

冷淡生涯覓句新久將閒跡寄湖蓴黃楊樹長偏逢閏  
紅藥花開已送春年命魯陽揮後日功名鄧禹笑中人  
祇應憑托昇平世穩作林間冗長六身

一枕

一枕槐安夢已捐此身何處不翛然課程排帙晨稽古  
心事焚香夜告天庸福寧求木居士高踪或比地行仙  
偶翻除日尋交舊半在三霄半九泉

陳繩武司馬招同春農寓齋讌集女樂一部歌板

當筵秉燭追歡卽事紀勝

風景真令裂老顛衣香人影膩如烟難降席上胭脂陣  
甘受空中指爪鞭曲調轉因邀顧誤燈光似爲定情圓  
何當禁斷蝦蟇柝窟室長酬不曉天  
春情益益夜迢迢占盡烟花廿四橋少女風柔偏覺暖  
書生魂小不禁銷霜迴瓊戶簾衣隔月避金缸蠟樹燒  
細數生平斷腸處此番也算可憐宵

馬湘寇白舊平康名字流傳齒尚香一夕綠尊重作會

百年紅粉遞當場。濃粧氣壓冬烘客。艷曲聲翻夜度娘。  
惱煞司空誇見慣。累儂臨老發清狂。

李欽齋制府以兵事入閩邀余同行賦呈

忽隨使節別江村。為掃閩南瘴霧昏。  
朝倚重臣威海國。我慚退士入軍門。  
筆無草檄新才思。刀有征蠻舊血痕。  
莫笑掛冠翻入幕。報師恩即報君恩。

十載

十載江湖穩釣舟。忽叅戎幕佐軍籌。  
人疑白首何輕出。我為青山未遍遊。  
野店客魂雞腦膊。殊方蠻語鳥鞞鞣。

憑添一卷閩南草翠壁題名處處留

海上望臺灣

極目滄溟浪接天。中藏掌大一山川。  
當年曾比田橫島。舊為海道鄭成功所據  
今日重煩楊僕船。颶力吼來風有母。  
妖氛掃去水無仙。用孫恩事  
臨流遠想熊津督。曾破周留定海堦。

弔湯緯堂殉難鳳山

一官海外正班春。伏莽無端起劫塵。  
絕徼巖疆城守責。名場詞客陣亡身。  
民皆相率登陴哭。賊亦羣驚按劍瞋。  
挺劍殺賊而死定有他年樂社祭。傳芭曲裏送迎神。  
訟堂閒處富吟箋。不才傳以節傳官。  
遠似飄羅剎國。

魂歸好附賈胡船。生前詩有題襟集。君集近人句作詩話數卷身後家無負郭田。漫讀孝經堪退賊。可憐兒死父屍邊。長君荀業從死

海上

極目蒼茫水接空。兵氛遙指海天東。人油作炬燃宵黑。魚眼如星射浪紅。炎徼無村非瘴癘。戰場有鬼是英雄。紛紛伏莽何時定。翹望征南矍鑠翁。

擬老杜諸將五首

炎海冥冥瘴未收。井梧信到又經秋。閩人夢去飄羅刹。野鬼魂歸哭懔懔。百道舳艫催轉粟。連營刁斗警傳籌。挑燈閒看平臺記。七日功成想故侯。

絕島桑麻久太平。僑居人總買田耕。但存清吏埋羹節。那有奸民歃血盟。諸價苞苴官判牘。曼聲絲肉妓傳觥。釀成一片塗膏地。太息憑誰問主名。

提兵鷺島發峩峩。家世通侯鎮海波。韜略可施何太緩。荏苒初起本無多。懸軍翻慮為猿鶴。列陣徒聞彷彿鵝。自是軍謀要持重。幾時聽奏凱旋歌。

易將應看賊首函。到營又似勒枚銜。翻疑充國屯田守。豈有辛毗杖節監。臥甲征夫聽夜柝。搗砧思婦寄秋衫。祭風臺畔檣烏轉。枉費催開海舶帆。

衆志成城百戰場。直同疏勒守危疆。登陴慷慨三通鼓。

搏賊創殘半段槍。甲鎧煑來聊作食。蠟丸書罷不成章。  
重圍百日猶堅拒。始信朝家德澤長。

我洲以陝中遊草見示和其六首

百萬刑徒斲石礮。橋陵規制創尊榮。人間真有南山郢。  
地下幾移北斗城。他日豈知開汲冢。千秋此亦一秦坑。  
祖龍原識長生假。正在求仙又築瑩。

鴻門

風急牙旗颭將壇。殺機危處託交歡。一杯酒竟將疑釋。  
千載人猶代膽寒。目眦光浮屠狗脣。背疽病爲沐猴冠。  
重瞳終是君人量。成敗論人恐未安。

灞橋

咸秦東去指臨潼。舊有長橋似偃虹。詩思一天驢背雪。  
離情兩岸柳條風。臨流斷礎猶堪認。挽漕連檣已不通。  
曾是前人斷腸處。酒旗還映夕陽紅。

定軍山

將星夜落蜀山雲。丹旄歸來葬定軍。與賊勢終難兩立。  
斯人功竟限三分。豐碑曾墮居民淚。宰樹猶森故相墳。  
志決身殲遺恨在。至今忍誦出師文。

乾陵

一番時局牝朝新安坐粧臺換紫宸臣僕不妨居妾位  
英雄何必在男身林巒赭豈媧皇石風雨陰疑如婦津  
同穴橋陵應話舊曾經共輦洛陽春

馬嵬坡

寵極強藩已不臣枉教紅粉委荒塵憐香不盡千詞客  
召亂何關一美人喉火自明孤驛夜野花猶泣故宮春  
誰知幾點胭脂淚別有生離江采蘋

又和荊州咏古四首

威懾曹瞞欲避鋒豈虞狙伺起鄰封英雄事有千秋恨  
形勝今猶四戰衝青史綱成終失地綱目書失白衣櫓到

尚傳烽如何一局無援著疑案常應咎臥龍關壯

獨眼何曾不霸王七官文士豈能匡怕聽項羽重瞳敗

慚對徐妃半面粧赴難終遲焦釜沃稱兵殊愧角弓傷

可憐才藻多焉用一炬燒殘萬縹緲梁元帝

拋盡山河剩渚宮選樓遺澤未應終萋苴已附三王後

警蹕猶尊百里中聊比蠻夷佗竊帝差勝安樂禪稱公

轉憐蕭銑生降日不得偏隅國甬東蕭

帳下奴遷節度班故應無賴保疆孱偏安王八朱三外

得計朝秦暮楚間到處稱臣甘拜表親身謁帝急逃關

始知草竊粗能立也要三分智計姦高無賴

聞官兵屢捷志喜

絕徼兵戈望凱旋。將壇別築選親賢。龍驤飛渡無停晷。  
驟騎承恩正少年。過海地非頭痛國。翹關人有肉飛仙。  
先聲早落么磨膽。神策軍來一抵干。

西南北已武功。皆豈意東溟起瘴霾。戎索疆纜恢玉壘。  
職方地肯棄珠厓。兵收裨海蓬瀛島。星貫穹霄畢昴街。  
從此萬方清晏奏。豈徒韓筆紀平淮。

軍事將蕞余歸石日矣詩以誌喜

久作華陽陶隱居。豈期老出治軍書。廉頗已自三遺矢。  
馮婦何堪再下車。鄉夢迢迢千里外。塵踪碌碌一年餘。

稍欣奏凱期將近計日歸尋舊草廬

無端伏莽報興戎。一片蟲沙小劫中。作賊豈聞頭到白。  
驅民已遍血流紅。時平更醉笙歌月。事起兵寒草木風。  
至此始知冀渤海。賣刀買犢是奇功。

也是塵勞債未償。爲酬知己一番忙。卿曾經事韓文約。  
我決不爲陳白強。幕下使材論履屐。燈前握算調芻糧。  
尙憑門館恩私地。兼報當年食太倉。

本爲遊山附羽翰。久留軍府最無端。肯從殷鐵還干祿。  
翻似劉綿尙戀官。萬斛樓船兵渡海。兩甄檣鼓將登壇。  
天教倦客歸期速。一戰先聞定百蠻。

偶閱查初白集中有汴梁雜詩八首但稱梁宋遺  
 墟殊未詳考按汴州自朱梁以宣武軍得天下  
 始建為東都然溫僭位猶在洛也末帝方即汴  
 為京後唐仍遷於洛石晉至汴以其地便漕運  
 乃定都焉漢周宋因之劉豫受封亦嘗遷於此  
 金海陵謀南伐宣宗避北侵又皆來都此汴京  
 沿革故事也爰補其缺 八首之四  
 少年花項刺飛翎豈學班超燕頷形早有美人驚衣白  
 竟聞天子出雕青憤兵救命歸無路義子傳家討不庭  
 贏得榮封崇義爵歷年三百未曾停

戎衣一夕換袍黃返旆從容上御牀得國也從孤寡手  
 傳家難料弟兄腸基開忠厚流終遠運啓文明勢不強  
 遺澤試看南渡日魚羹老嫗亦從王 且當波山一俗興  
 領得狼頭纛一枝仍容守汴建朝儀竟從故國乘黃屋  
 可憶當年拜赤墀南牧金戈奴叛主北來玉冊帝稱兒  
 誰知他日臨潢徙五國城中等淚垂  
 一樣南遷兩不同羶車塵土繡旗風勢強飲馬長江外  
 運去遊魚沸鼎中喬木陰猶秋色碧 元遺山詩兩都喬木皆秋色 幽蘭軒  
 已火光紅可憐一片青城月又照蛾眉出故宮  
 至福寧江淑齋太守方孝亭總戎陳迺菴明府更

番設讌兼同遊望海樓諸勝

踏盡千峯到福寧。奴欣飯白馬。芻青留行已。剪招魂紙。出險應名至。喜亭歌板新。聲催曲部弓刀小。隊叩禪扁。誰知經歲兵塵慣。有此歡場累日停。

一路舟車有司供。設頗具以余從制府來也。書以

一笑

累他一路館餐儲為是平津舊主書。始悟洛官趨賈謚。豈真邛令重相如。已無按部雙華轂。且當遊山一筍輿。堪笑不因人熱者。此行翻假虎威餘。

青田道中

上瀨船遲坐夕暉。畫眉聲老綠陰肥。地為山佔幾無土。水到灘鳴不可磯。野鴨拗頭依石睡。水牛浮鼻渡江歸。羨他茅屋人家好。樵牧終年住翠微。

庚午同年平姚海孫星士葉古渠陳受粲招飲於

吳山丁仙閣姚海有詩即用其韻

白首同年尚五人。那禁握手倍情親。步聯謝客登山屐。醉濕陶家漉酒巾。地盡羽流無奉佛。山皆道觀無一佛寺坐仍齒序。不論賓居民驚見。鬚眉古只道羣仙戲降真。

早登解額正難量。回首俄驚四十霜。已嘆飛蓬雙鬢短。猶餘食粟一身長。地傳丁令歸來鶴。石是初平叱後羊。



合改山名稱五老。年年來此續歡場。

閩門晤王西莊話舊

握手論交紫塞塵。春明一出見無因。每逢後進思前輩。  
喜聽貧官作富人。君生事頗足讀史共推糾謬細。著書爭祕論  
衡新形容別久猶。堪認知是間居養益馴。

書生老不肯干休。福不如人名。要留愧我沉冥空廿載。  
如公著述已千秋。江湖游釣餘青笠。人世推排到白頭。  
乞得士安佳序在。或可附名流前歲曾為拙集序

虎邱夜泊

夢斷山塘舊酒痕。扁

真亭猶唱黃河曲

香塚誰招紫玉魂。半夜鐘催燈影地。一弦月度柳陰昏。  
風懷久付茶烟颺。明日團蕉禮世尊。

題閩遊草後

嘯咏江湖鬢已霜。忽添鏡吹入詩章。共知殷浩宜高閣。  
偏伴陳登臥下牀。醉後語言無忌諱。老來詩筆漸頽唐。  
只餘飽啖楓亭荔。口福天教滿願償。

兩行官燭半牀茵。蠻府叅軍亦苦辛。已見功收囊矢日。  
何須名出捉刀人。春蠶食葉行間草。野鶴歸山物外身。  
看到滿枰棋定後。爛柯樵已一年春。

最喜歸途傍海涯。浙東岩壑極幽遐。千年開道從康樂。

一路看山到永嘉。花草無名開錦幄。犬雞俱壽餌丹砂。此中好景誰消得。只合詩家與畫家。

到處華筵競餞賓。梨園法曲遞翻新。自緣好事陳尊轄。豈慕高名郭泰巾。舞態酣搖花映肉。歌聲軟度酒生鱗。當場作戲人何限。我是場邊看戲人。

將軍凱旋地方官。供張甚盛而將軍舟行迅速未

嘗一寓目也。

靖海功高縛兩酋。凱旋喜氣溢星郵。摧堅已用琵琶腿。

賀勝應簽玳瑁頭。

宋初選軍格用琵琶腿。金章宗紀有優人瑋瑁頭。

綺繡歲時紛傳舍。

魚龍曼衍繞行舟。頗聞軍令過歸肅。滿眼繁華不寓眸。

繁華

繁華局裏一年春。羨喜歸來未染塵。公瑾有醇堪醉客。劉興猶賦解污人。一經可教聊存素。八口無多易救貧。慚愧親朋說高尙。無官豈即許巢身。

再到揚州遊紅橋

兩年不見廣陵春。依舊紅橋景色新。並舫笙歌垂柳岸。隔簾金粉畫樓人。履綦有跡重移屐。詩壁無紗半沒塵。風物不殊人漸老。豈宜長作浪游身。

過淮哭晴嵐老友

攜手河梁僅隔年。荻莊亭館故依然。重來風雨聯牀地。

悽斷江湖載酒船。白首交游同輩少。青門文采後人賢。  
定文敬禮猶遺命。忍惜挑燈仔細編。令嗣蔭堂以君遺稿  
感定謂臨歿遺言也

心餘第三子。師退來謁少年雋。才英英欲發心餘。  
為不死矣感賦

猶記荷衣出拜時。廿年重見有餘思。祥琴轉瞬初除服。  
宿草關心未刻詩。心餘詩稿  
何未刻死有佳兒應瞑目。去為才鬼

又。捫髭。燃字正字通  
有不上一聲虎賁曾動中郎感。况對王家玉雪姿。  
次韻酬錢璵沙方伯 四首之一

江國相望兩草廬。履綦隨處澹容與。前途富貴雙蓬鬢。  
末路英雄一卷書。老樹著花逾旖旎。曉星如月漸稀疏。  
終當一櫂來修謁。花港同觀策策魚。

攜兒姪五人俱至安定書院讀書

客授仍攜子姪多。館人先為掃庭莎。我慚穎士稱夫子。  
人笑承天似孀婆。一味分甘忘旅食。半窻拈韻有清哦。  
如何身自誇恬退。偏望兒曹早決科。

紅橋

紅橋重泛木蘭船。一片閒愁入管絃。薄命桃花春雨後。  
斷腸芳草夕陽邊。三生杜牧曾遊處。前度劉郎再到年。  
惟旗亭歌板好。美人猶唱白雲篇。

白秋齋總戎輓詞

擁旄江國幾經春。威在軍中愛在民。官好境常無吠犬。時平功豈必圖麟。老為林下鋤瓜叟。歿有碑前墮淚人。太息衰年惟此友。更誰茗椀語蕭晨。

廉船老友不見者二十年矣。茲來晤揚州流連旬

日喜其來而又惜其將去。忠斐然有作情見乎

詞

卅年前共踏京塵。別久形容認始真。風雨雞鳴逢故友。關山馬跡老才人。翻來近作還吟興。話到同遊一愴神。心餘吟已分此生無見日。相看彌覺白頭新。

少小論交志激昂。便思翔步到天閭。誰知出匣干將氣。

都倦登場傀儡。備裝敬禮定文期。後世君為編訂抽集正平懷刺向

何方將作楚遊祇應互祝加餐飯。長聽平安有報章。

哭錢與沙先生

不曾識面荷推袁。此意真令感弗諼。碩果枉教生並世。東。匆。仍。欠。死。登。門。八。旬。人。尚。江。淹。筆。二。品。官。無。庾。信。圍。不。哭。先。生。復。誰。哭。從。今。老。輩。更。無。存。

題子才續齊諧小說

一編點鬼簿。荒唐更為香魂寫。艷粧神女。夢為雲。引誘素娥奔。竟日窩藏。文人自戲禪。三昧陰府。將持算九章。我為懺除。犁舌獄。佛前稽首一爐香。

晤錢竹汀宮詹話舊

握別京華廿五春相逢彌覺白頭新  
手成百卷專門學身是千秋列傳人  
海外購書來賈鮑門前著錄遍儒紳  
故交也得餘光乞一序三都價便珍

承恩拙集序言

研摩結習自諸生館閣歸來業益精  
兩漢淵源劉貢父歷朝金石趙明誠  
胸懷人喜披朝爽目力天留禁夜明

君入夜則咫尺不能見  
聾視仍察秋毫也

樽酒論心同一笑傳人未必盡公卿

心餘詩已刻於京師  
山觀察覓以寄示展開

累日為題三律

那尹同時要比妍今朝得睹豹斑全  
死疑靈運先成佛

生本青蓮是謫仙才大已推香象渡  
名高久壓野狐禪

凌雲意氣談天口彷彿音容尙眼前

談忠說孝氣峻峭卅卷詩詞了此身  
於世僅增倉一粒斯人已歿弩千鈞  
三年刻楮成何事六博呼盧大有人  
太息儒冠真自誤可憐無補費精神

蓋棺難更句難搜後死應堪勝一籌  
歎我亦將成弩末比君仍未進竿頭  
生前遊跡餘鴻爪老去名心付貉邱  
詩草兩家俱在世不知他日孰長留

忽夢鎮安舊遊

廿載蕭閒林下身何緣重夢日南春  
山多盤古年間樹

俗是華胥國裏人。朱邑葬祠垂後約。歐陽思穎記前因。只慚我自難忘處。未必民猶念我頻。

遊隨園題壁

名園欲訪屢愆期。到及梅花正滿枝。惟恐長為門外漢。特來親賦畫中詩。林亭曲折文人筆。墻壁淋漓幼婦詞。名滿九州身一壑。輜川莊遂屬王維。結構憑何粉本摹。危欄絕磴路縈紆。峰迴巧作東西崦。水複流為裏外湖。喬木十圍人共老。名山一席客爭趨。問渠何福能消受。四十年來住畫圖。

舟過無錫再晤晴沙

故人相見倍情殷。為共心期托野雲。誇富黔婁應讓我。論高子伯豈如君。夜闌燈火愁雞唱。歲晚江湖感鴈羣。便合往來成二老。春山同踏落花紛。預訂明春惠山之遊

贈王文園給諫

浪跡江鄉類隱淪。刀圭試手輒生春。始知白社投閑日。猶是蒼生托命身。康節行窩爭欲設。伯休入市共相親。笑他煉汞燒丹者。只自求仙不救人。君歸里後以醫活人甚多

皇上八旬聖壽恭紀

虹電祥光耀大瀛

八旬聖壽際昇平。祥開地久天長節。歡溢山呼嶽拜聲。

十賚文多看屢錫七籤笈滿又重更史書翻遍無今比  
普集繁禧助慶成

神功聖德筆難陳敬在高穹愛在民壤賦幾回全  
詔免

郊禋每歲必

躬親縹緗四庫書三校河海雙堤  
駕六巡五十五年  
如一日固應弗祿自天申

雄圖廣運靖戎蠻暨訖真看遍九寰翠掃人過蒲類海

冊封新到繖圓山  
安南山名見明史張輔傳  
枕椰夜雨連銅柱楊柳春

風度玉關總是

恩威協大處羽于柔遠弁誅頑  
但從

御極紀春秋已過梁唐晉漢周  
後五代僅五十四年上御極年已過之  
揮翰尚

傳金翅劈 據鞍時馭玉驄游芝苓不覓天台藥蓬閣

遙添海屋籌信有

至人凝命永共天行健自無休

二千年內只三朝  
三代後人君年八十者惟梁武宋高元世祖三帝  
還遜吾

皇景運遭重譯萬方胥象表一堂  
五代袞龍袍屢豐

比戶倉箱滿偃武多年弓矢橐都是昇平極盛事璇圖

鴻福接天高

行都先敕綺筵開。漠北諸王進壽杯。膜拜共尊天可汗。  
 唄音齊頌佛如來。仙韶樂奏班行肅。王會圖成版宇恢。  
 添个朱烏新國主。日南花又上林栽。熱河行宮先宴蒙古諸王而安南國王阮光平亦趨至  
 鑾迴絳殿舉鴻儀。多少鸞鸞集玉墀。露湛衢尊千斛酒。  
 香霏月桂萬年枝。金銀宮闕仙人島。錦繡江山織女絲。  
 此景古來曾幾見。有生真幸及昌期。  
 豈徒京國祝釐虔。巷舞衢歌遍海堦。燈火樓臺城不夜。  
 琉璃世界月將圓。軒輦曲裏長春景。紉縵雲中復旦天。  
 見說靈椿八千紀。如今八秩尙初筵。

謁補山制府奉呈

三江行省駐蜺旌

帝為南邦簡老成。令肅百城無墨吏。官高一品尙書生。  
 迴瀾力大關風氣。霽月光澄見性情。騎竹兒童扶杖叟。  
 何人不識玉壺清。

敷歷崇班廿載長。濟時偉略益恢張。潞公精力逾年少。  
 韓尉勲名重晚香。地步獨爭千仞壁。子孫自有百株桑。  
 封疆入相尋常事。要看他年史冊光。

鬢髻纔蒼面渥丹。天人姿稟世驚看。望高已共尊三老。  
 才大疑兼用五官。餘事作詩還倚馬。殊方著錄有驂鸞。  
范石湖帥粵移蜀著驂鸞錄公宦跡相似故借用之始知佛說神通現。樓閣華嚴一指彈。



滇。徽。黔。疆。忝。弟。昆。雲。泥。猶。荷。念。寒。溫。書。來。問。訊。皆。親。筆。  
話。到。存。亡。有。淚。痕。謂經略傳文忠公 庾。信。自。傷。枯。樹。賦。鄭。公。還。訪。  
浣。花。村。趨。承。能。不。心。傾。盡。半。為。勳。高。半。誼。敦。

美人風箏

誰。家。掌。上。一。嬋。娟。飛。入。高。空。艷。影。翻。風。送。幾。疑。天。賜。女。  
郝陵川集有天賜夫人詩 雲。遊。不。作。地。行。仙。尚。嫌。綵。索。鞦。韆。短。  
風吹幸氏女至梁家為婦 漫。比。朱。絲。傀儡。牽。月。姊。星。娥。應。共。語。新。添。好。伴。絳。霄。邊。  
步。虛。仙。子。脫。塵。鞵。身。駕。春。風。上。太。微。一。去。如。飛。疑。劍。女。  
任。吹。不。動。笑。環。妃。月。輪。近。恰。為。糖。鏡。霞。綺。鮮。仍。貼。舞。衣。  
當。日。臺。城。倘。煩。汝。有。閔。氏。亦。解。重。圍。

天。路。無。梯。一。線。通。冷。遊。最。好。趁。春。融。但。愁。神。女。來。行。雨。  
恰。喜。封。姨。肯。借。風。糊。上。薛。箋。身。絢。爛。製。成。湘。竹。骨。玲。瓏。  
雲。霄。曳。履。男。兒。事。偏。覺。弓。鞋。會。躡。空。  
嬌。姿。只。合。繡。幃。藏。何。事。凌。虛。露。靚。粧。豈。是。飛。瓊。來。下。界。  
不。煩。窺。玉。上。東。牆。多。情。尙。繫。絲。千。尺。薄。命。林。啞。紙。半。張。  
一。片。夕。陽。鴉。鵲。舞。也。如。蜂。蝶。逐。衣。香。  
肉。飛。煉。得。幾。多。年。白。日。昇。天。謝。自。然。直。上。似。追。奔。月。女。  
孤。行。肯。逐。馭。風。仙。方。成。唾。漫。驚。飛。燕。徵。側。魂。應。化。跼。鳶。  
羅。襪。無。塵。香。界。迥。雲。中。君。本。楚。騷。傳。  
五。銖。衣。薄。太。風。流。細。骨。輕。軀。稱。遠。游。挽。住。尙。煩。紅。線。手。

圖才詩金  
倦飛或墜綠珠樓。尚隣高處寒難忍。直恐仙乎逝不留。  
添个風琴傳逸響。珊珊恰作珮聲幽。

吳門晤西莊竹汀

握手相看鬢各皤。那禁老子此婆娑。後來良晤知猶幾。  
海內名流漸不多。世以博聞推敬播。天留微疾養維摩。  
二公皆有目疾朋簪最羨居相近。同在吳門步履過。

淝水

淝河百丈水湯湯。千古南朝誌戰場。空國而來驕必敗。  
背城能戰弱爲強。枋頭宣武慚勲伐。江左夷吾尙廟堂。  
贏得淮山閒草木也。同旌旆氣飛揚。

偏安累代保江濱。豈意亡秦出異勲。兵少幾同三戶弱。  
功多并許八公分。時來裾屐皆英氣。事往兵戈但舊聞。  
何處遙天聽鶴唳。鵝鳩聲裏曉耕雲。

橋公墓

累朝耆舊末流中。想見羣倫仰下風。生有隻雞留戲笑。  
死猶兩女嫁英雄。識同許劭能評士。名比康成並號公。  
荒塚已無人腹痛。亂鴉古木夕陽紅。

東林寺

柴桑南去訪禪關。典午名藍尙此間。賞菊有杯容入社。  
刻蓮爲漏記開山。寺逾魯殿千年久。門對匡廬萬仞閒。

偏是老僧諳故事殷勤送客虎溪灣

和錢竹初移新居

精舍頻年構始完移居人比葛洪看城無山水堪攜杖  
家有林巒值挂冠別墅王維經一卷小園庾信竹三竿  
知君自寫胸中藁付與工師築考槃君揮繪事

十笏香巖結淨緣養閒難得是中年草堂將寫种司諫  
州宅堪誇白樂天絲竹肉應隨處設畫詩書總後來傳  
家門本古蓬瀛籍君捨天仙作地仙合兄文敏公乙丑殿撰

上元後三日芷堂過訪草堂次日夢樓亦至皆未有夙約也喜而有作後二首專簡芷堂

鵲噪晴簷信有因南轅北轍聚茲晨芷堂自雲間來夢樓自京口至相思何

止三秋月不速欣來兩故人垂白關心惟舊雨軟紅回

首已前塵草堂纔過收燈後連夜重開一甕春

草聖詩魔歷苦甘夢樓書芷堂詩皆必傳也書生結習故多憇拾遺有疏

留雙闕芷堂以言事改官彌勒何年共一龕夢樓長齋奉佛已久天下傳人儕

輩幾林間奇會翰林三惹他僮僕驚相笑都是迂疎不

急談

官似遊僧早打包初衣今遂返江郊胸中大底千間厦

天上歸來一把茅空谷蘿牽人補屋畫梁泥落燕離巢

借他二陸雲間宅權寄江湖不繫匏君家葆光居牡丹有名浙中今屋將圯攜家住雲間書院

學海迷茫未有涯。何來捷徑指褒斜。曾從館閣親前輩。及見詩文有作家。下筆誰分雌霓霓。入聲字。買脂爭寫牡丹花。君歸好振扶輪手。報國文章事正賒。

是日招立菴緘齋同集皆王祝二君京師舊友也

立菴有詩次韻

到此無端笑語粗。一堂裙屐總吾徒。人難舊雨聯床再。客與春風到座俱。酒氣白浮杯浪湧。燈光紅占月輪孤。擅場汝士詩先就。壓倒香山老筆枯。回首春明餞別筵。何期重此泛觥船。連翩冠蓋猶前日。飄蕩江湖已暮年。驛路寄書千里遠。屋梁落月幾回圓。

還期笠屐頻來過。一曲賓雲再集仙。

借立菴艤舟亭看梅小飲次韻

巾屨相隨踏凍來。艤舟亭叩寺門開。出行有伴當攜杖。招飲無題借看梅。老幹過冬猶健骨。早花隔歲已懷胎。憑欄漸覺山池暖。淺綠波痕欲上苔。

壽全惕莊巖使六十

扶桑弧矢耀朝曦。鈴閣歡聲頌介眉。共喜木公金母宴。正當浴佛飯僧時。公與夫人生辰在四月八九兩日玉杯香泛薔薇露。金帶圍

開芍藥枝。一片廣陵歌舞地。滿城誰不祝蕃禧。信有人間富貴仙。最繁華處駐旌旃。百年士女春遊地。

區十言金  
千里江淮月進錢。最績早同劉晏粟清心。仍酌隱之泉  
欲知畫景舒長甚。正是恢台四月天。

有以明人詩文集二百餘種來售。余所知者。乃不  
及十之二三。深自愧聞見之陋。而文人仰屋著  
書不數百年。終歸湮沒。古今來如此者。何限。既  
悼昔人亦行自嘆也。感成四律。

擔來卷帙滿軒楹。欲與先生面百城。準擬驚人都有句。  
誰知點鬼也無名。論符幾費雕鐫苦。元草殊慚鑿賞精。  
後視今猶今視昔。豈勝俯仰感殘檠。

姓氏爭期著述留。百年難駐況千秋。馬空冀北誰朱汗。  
豕過遼東盡白頭。辛苦珍裘千集腋。混茫大海一浮漚。  
遺編不及能言鴨。自把名呼向客舟。

不知曾費幾敲推。無限精靈付劫灰。傳不傳真皆有命。  
想非想豈盡無才。騙人嘔血奚囊錦。爲爾收魂醬醜堆。  
始歎前賢深閱歷。只教痛飲掌中杯。

手握雞毛筆一枝。妄思不朽計原癡。閣麟已欠圖生面。  
霧豹何曾剩死皮。過眼春華風一陣。到頭暮色雪千絲。  
却慚夢醒恆沙劫。已是吟髭撚斷時。

### 壽松坪前輩七十

館閣清班廿載深。恬懷中歲早抽簪。二分月下清游地。

十七科前老翰林持節才會收鐵網稱詩人共奉金針  
耆英自有長年相壽骨崢嶸貫頂心

笠屐圖中另一班茶烟禪榻愛蕭閒官餘藜火歸猶讀  
妻有梅花老不鰥小部笙歌紅豆曲名園亭館綠楊灣  
關西人占江南樂千載風流繼對山

秋帆畢制府遠寄文幣珍裘詩以誌謝

故人高誼足千秋雙鯉書來道阻修襤褐久安驚繡段  
綈袍已感況珍裘杜陵漫想千問度溫嶠原居第一流  
愧我空傳倚樓號不來黃鶴一登樓

一自春明散履綦雲泥從此跡差池丹黃白勘焚餘草  
黑白閒看局外碁官罷逢人多醉尉老狂乞食到歌姬  
如何寂寞滄江上尚有邠箋念故知

岳祠銅爵

桐鄉金德輿得一銅爵口內鐫精忠報國字旁

鐫岳珂建造蓋宋阜陵賜卹岳忠武後珂所製

祠中祭器也咏者甚多為賦四律

鄂國祠堂禮器存土花碧不蝕精魂壯懷未飲黃龍酒

故物如傳白獸尊金已鑄身當日痛

所元聲精忠類編宋孝宗藩  
邸時知公寃以金鑄其像

字仍涅背舊時痕金陀坊裏文孫製始信忠動有後昆  
欵識摩挲重感傷英雄豈愛一杯漿豐功不畫凌烟閣

奇禍翻遭假月堂。把此定應浮大白。至今空與注流黃。  
稍欣一樣爐錘力。鐵像摹成跪墓旁。

賜卹曾盛湛露波。知公遺恨尚難磨。獄冤雖已昭三字。  
家祭終非告兩河。聊抵鼎銘傳世古。何須圭瓚報功多。  
滄桑劫後金甌碎。剩此殘樽作象犧。

量容不及二升觚。偏有興亡繫故都。服匿兩宮終飲酪。  
背嵬千騎忍提壺。背嵬木隨身酒器。公以名其親軍。珍逾武肅傳家券。氣壓

宣和博古圖。完壁倘歸祠廟祭。椒馨應更滿西湖。

盧抱經學士以雍正壬子補弟子員。今歲壬子又

見諸生遊庠作重逢入泮詩紀事敬賀四律

六十年前泮水塘。又逢擢秀蔚成行。佛家最重初禪地。

老將重經舊戰場。好繼弁山編盛事。王命洲有皇明盛事錄。已同魯

殿歸靈光。阿婆歲晚看新嫁。未免風情憶靚粧。

宮牆重到鬢毛斑。又見新郎出綴班。尚有昔年題字柱。

便當古蹟棄繻關。遙知見獵心還壯。可有追風足許攀。

恰似六壬前定數。周天花甲已循環。

局外人看局內基。頭巾久作弁髦遺。誰知白首窮經日。

還似青衿肄雅時。校字有訛階掃葉。借書無券酒盈甌。

諸生莫漫扳同歲。一一風規是汝師。

見恆河性故依然。迴憶初程發軔年。汲古遂探羣玉府。

步虛直到大羅天。榮持籟節為星使。老曳筇枝作地仙。  
定滿荀卿三祭酒。看公會到曲江筵。

金陵過前明故宮城

廣衢九軌接城闔。勝國遺規半未湮。流水不流金粉氣。  
故宮已見採樵人。百年史冊殘棋譜。一片江山浩劫塵。  
老去只貪娛景物。漸無閒淚為沾巾。

留別子才

清游訪遍六朝基。又向隨園接履綦。卿亦流連中一物。  
我無文字外相知。延年早入長生籍。謂書存詩著錄新添本事

詩君方續編詩話莫怪浮屠不三宿。已勝返棹剡溪時。

泊燕子磯遊永濟寺

名藍風景故依然。屋宇無多得勢偏。壁立山疑神斧削。  
岩栖僧作鳥窠禪。記遊無復前題字。攬勝欣留再到緣。  
一樹杪。籬舊相識。曾經見我黑頭年。故人天上班。卿且

野老白頭。候使車。馳傳旌麾催治獄。對牀風雨憶橫經。

白頭何復傍人門。口舌徒爭覆水盆。盆在仁由我死

可憐夢得有。親在緣。權身本危竿。試救劫棋難。敗局翻

只有掩關澄水觀。任他塵事日囂喧。並世文章無北地

當年聲望此東山。盛名難免求全毀。晚節終看歷試難



只。許。許。關。為。水。際。升。此。聖。事。日。暮。也。

可。分。夢。得。詩。下。添。射。良。本。欲。卒。結。楚。財。漢。頌。風。隨。

白。頭。何。更。對。人。已。口。舌。壯。年。費。水。盆。之。盛。介。小。由。其。至。

白頭

一。樹。如。翻。舊。林。端。會。滌。良。其。無。煎。平。

昔。年。曾。有。息。真。難。岳。幾。無。真。前。惡。字。對。烈。火。留。再。修。絲。

谷。盡。風。景。如。冰。然。氣。字。無。冬。昏。樓。臥。望。立。山。鏡。帳。茶。僧。

蘇北詩鈔七言律五

蘇北詩鈔七言律五

陽湖 趙翼 雲崧

癸丑元旦樹齋大司馬奉使過常舟次話舊賦贈

新歲纔開一葉莫喜逢畫簫過郵亭故人天上班卿月

野老田間候使星馳傳旌麾催治獄對牀風雨憶橫經

感公不隔雲泥迹頭白相看眼倍青

唐荆川先生讀書處

前賢遺墅綠楊灣水木清華遠市闕並世文章無北地

當年聲望此東山盛名難免求全毀晚節終看歷試艱

剩有城南讀書處畫圖一幅好荆關

高名海內共知聞。却向林間臥白雲。七子敢聯吟社侶。八編直接選樓文。談兵雄劍鳴鞘內。講易靈狸叩夜分。古語騙人三不朽。累公精力一生勤。

出郊便覺少塵縈。深柳書堂六枳籬。磐石想經垂釣處。清泉仍似在山時。人從黃葉村尋路。壁有紅丸墨寫碑。

壁嵌荆川讀書處石刻係孫文介所書文介乃爭紅丸案者

今日林臯雖易主。輞川名究屬王維。

白桃花和既堂

一種穠花玉作根。曼殊獨壓眾芳繁。武溪水映春無色。露井風開月有痕。莫是綈衣還入夢。直教紅粉不銷魂。夕陽倩影欣相對。翻愧酡顏醉酒尊。

錯認梨花帶雨嬌。一枝素艷倍天天。映來人面無紅暈。寫出春魂有白描。絕色東鄰顏太潔。淡粧西子粉都消。崔娘枉自誇能礪。不用兼將雪水調。

仙源花正絳天明。十里紅霞獨素英。縱使近朱寧變赤。忍因另色便更名。渡江船上人如玉。息國軍前淚泣瓊。笑比吳娃能白戰。胭脂陣總豎降旌。

曲譜休歌點絳脣。笑他俗艷惹遊塵。月明台洞無尋處。春過羅浮有替身。號國蛾眉晨淡掃。小憐玉體夜橫陳。劉郎今亦頭如雪。別與流連結淨因。

與邵松阿別幾三十年。今夏始至虞山奉訪承招。

同蘇園公吳竹橋鮑景畧諸名流讌集撫今追昔卽席奉呈

車笠論交誼最親別來常恐見無因紫薇共直如前日  
白首同年尚幾人隙影難追駒過迹巢痕空記燕棲塵  
相逢未暇離懷訴先把形容認个真

七十耆年已舉觥君今歲七十胸中五嶽尚崢嶸未甘身享容

容福或避名呼觸觸生君名齊熊故以熊安生事為戲風教每持前輩論文

章喜為後生評魯靈光殿孤撐在也算人間一老成

朋簪招集德星堂都為留髡遞勸觴自是客因叩命重  
非關人看子瞻忙廿年別緒聯牀雨四海虛名滿鬢霜

略似京華文酒讌觚稜回首路茫茫

杭州謁惕莊嵯使時由兩淮調任兼理織造

扁舟訪舊浙江潮又荷旌麾遠出郊楊柳西湖三月暮  
梅花東閣十年交離懷常托相思草宦跡原如不繫匏  
雅量服公真灑落不因杯水感堂坳

白簡星馳挽不迴風聲小警殷其雷在揚州以劾奏虧帑事亦有小警名留

豬嘴關前說身過狼牙嶺上來補袞功應光黼黻調羹

才本擅鹽梅移官恰占湖山勝儘許清游把酒杯豬嘴關見酉陽

維組狼牙嶺見元遠山詩

夜夢從軍為賊所執不可不死又不能遽自引决

瞿然而悟汗已滿身乃知生平此中未有定力也

噩夢無端破膽寒兵氛闖入大槐安平時每作千秋想臨事方知一死難名義重應甘白刃頭顱痛又覲黃冠醒來始覺吾生幸生長昇平免據鞍

長洲蔣立崖明府最愛拙詩曩曾托杜村中翰具道企慕之意今遇吾鄉楊充之州牧又囑代致殷勤其于我可謂癖好矣自惟謏劣愧不敢當而厚意殊可感也貽之以詩

有此神交蓋未傾一人知己足平生他時不用青蠅弔此日應先白犬盟多恐推袁非定論得毋慕蘭誤虛名衰年久擲吟毫禿重爲桓譚剔短檠  
頻煩芳訊致纏綿想見殷懷愛我偏賈島豈堪呼作佛知章竟已許爲仙近來風氣輕前輩老去聲名仗後賢甚欲與君傾肺腑相期虎阜菊花天

祥符寺樓夜宿

空山一榻借僧寮秋氣澄空正次寥半夜月明鴉鵲警九天風急斗星搖詩成枕上催人起夢滿欄前被佛消聽到曉鐘聲斷處半窻日影上芭蕉

夜歸

暮鴉啼散滿林烟。甘里長河夜泛船。風剪非刀能刮水。  
月輪無轍自行天。溪橋犬吠鳴榔火。野店人喧賣酒錢。  
棲畝餘糧收未盡。歡聲滿路說豐年。

遣興

湖海人豪氣未除。可憐七尺落蘆蘆。漸看名姓沉鄒湛。  
肯數英雄到本初。生也有涯憂不盡。古而無死樂何如。  
海山兜率俱安托。頭白惟餘一卷書。

戢影菰蒲已廿年。流光冉冉到華顛。築亭放鶴林和靖。  
出郭騎驢孟浩然。死去知無求傳米。生來不乞買山錢。  
芒鞋竹杖松枝塵。自作江湖一散仙。

笠屐江村伴老農。莫嗤身計太疎慵。一生只見甕中粟。  
舉世爭趨飯後鐘。折坂未登車倒退。遊山正好日高春。  
始知馬磨卑棲處。少踏人間險幾重。  
夜行更漏已將殘。閱世年深得靜觀。不識字人真快活。  
但求錢處必艱難。一裘狐白雄衣桁。三韭鮭常富食單。  
楚相寢邱聊可久。兒童忍使試撞竿。

泊舟金山下宿

孤嶼中流絕四隣。浮空丹碧潔無塵。山憑江洗磯千尺。  
水與天分月兩輪。梵界真成清淨地。僧窻靜閱往來人。  
只嫌佛印燒豬事。似爲東坡玉帶珍。

感事

炎風朔雪兩相更費盡人間幾送迎  
鄒忌妻孥工媚語  
翟公門巷見交情  
八波將涸魚先散  
一骨纔投犬共爭  
笑把陳編按時事  
層層棋譜在楸枰

前輩商寶意嚴海珊袁簡齋諸公詩久已刊布近  
年來盧抱經王西莊錢竹汀考古之書及吳白  
華趙璞兩顧晴沙蔣心餘張瘦銅王穀原錢籀  
石王述菴吳穀人詩文亦先後刻成羅列案頭  
足資欣賞率題四律

插架新編燦列眉一堂風雅總吾師  
臨流欲唱公無渡  
及席先愁某在斯此事不關官大小  
斯文眞繫世興衰  
許燕手筆高岑調都是開元極盛時  
如此寰區十數人可憐力已竭爭新  
一時尚恐遭揚解  
他日知誰更積薪  
豪傑不歸文苑傳  
聰明都用宰官身  
故應河嶽英靈氣不在區區大雅輪

論交竊幸及諸賢酒海花天共孽箋  
標榜耻爲前七子  
精神各注後千年  
鬢眉把卷如重對  
風雨聯牀已獨眠  
不覺又增存歿感  
關河雲樹墓門烟  
汗馬無功且汗牛  
又增滄海幾浮漚  
縱教後輩能饒舌  
敢禁斯人不出頭  
已覺通都增紙貴  
頗聞賈舶出金求

中華文字難通處。還有人間大九州。

到揚州未堂西。墩松坪既堂春農慕青蓮。日邀作

近局詩以誌好

到處賓筵款。近游又將口腹累揚州。二分明月本無賴。

七十老翁何所求。竿木逢場聊戲劇。籃輿扶路亦屢流。

江鄉此會非容易。館閣晨星七白頭。

王少林舊為陳玉亭制府屬吏。具述玉亭最愛拙

詩。嘗誦余送其出守有市虛何客過廉頗廷辨

惟君是魏其之句。蓋昔與玉亭同值軍機。余為

人中傷被擯。輟直玉亭獨為不平。故詩中及之。

事隔三十餘年。此詩亦已刪却。不復記憶。因少

林轉誦不覺前塵影事重。觸於懷而玉亭緣事

見法老母幼子流落無歸。尤可傷痛。爰補綴舊

句哭之。想少林亦同此感也。

祖道東門句已刪。前塵痕斑。豈堪鶴唳華亭後。

重憶鵝行鎖闥間。垂死故人傷白髮。未歸新鬼哭青山。

生平鮑叔能知我。曾護雞鳴夜度關。

賈豎爭言彼一時。秋風吹落燕巢危。市虛何客過平廉

頗廷辨。惟君是魏其。今日翻輸三黜。幸何年得釋九原。

悲傷心家破身亡。後客裏哀親。塞外兒。

都亭當日餞行轉從此車前擁八騶才望共傳名父子  
官階將繼富民侯尊人文肅公誰知平步青雲脚翻送焚香  
絳帕頭我是故人君故吏豈勝話舊涕橫流

近局將遍計日言旋再登留別

郇廚享遍快清游計日迴帆過潤州老矣詩難撥甲戰  
歸哉富豈執鞭求柳殘隋苑寒猶折水落邗江澹不流  
預訂明年看花會又煩春甕倒牀頭

靜觀

茵溷花分總宿因求仙學佛枉勞神誰非死後無名鬼  
我已生前有福人安享昇平將到老粗完婚嫁不憂貧  
流傳他日應增羨容易書生自在身

到揚州追悼西巖前輩

蠟屐重經廿四橋黃爐回首頓魂銷前遊未久方期續  
老輩無多忍便凋歌袴有思民祭社傳經無恨子登朝  
半年遲作生芻芻來補橋元酒一澆

周北張南似比鄰拈題廢和學箋頻江湖歡會幾忘老  
風雨高歌覺有神耿耿孤燈書館夜萋萋宿草墓門春  
十年來往揚州路哭到先生第五人金粉亭白秋齋吳涵齋唐再可已先下世

爭名

文士相輕古有之詞場壁壘各堅持集偷沈約唾為賊



經授遵明不奉師。村女插花偏自好。醜人詬鏡果何私。  
千秋自有無窮眼。豈用爭名在一時。

側聞

側聞蠻徼暫軍興。籌筆何當効薄能。曳足尚思觀鼓噪。  
綃頭已自怯車徵。掣鞬漫擬飢鷹起伏檻。難為老驥騰。  
顧影夜深私自嘆。征南刀久血痕凝。

七十自述

不覺駸駸歲月征。觀河童耄暗中更。生當盛代身何  
幸。老作詩人世已輕。學問就衰那復進。功名非福不能  
成。祇應飽吃幾年飯。扶杖田間咏太平。

青鬃歸來到鬢皤。塵緣幻妄漸消磨。世無拘束容聲叟。  
境有繁華付夢婆。識字讀書千載上。食租衣稅廿年多。  
較量自古書生命。畫粥燃糠不啻過。

童年回憶舊艱辛。天下無如我最貧。孤露更誰舟贈麥。  
飢寒長自甑生塵。噎瓜亭是傷心地。踏菜園悲薄命身。  
最是饑驅北行日。離懷痛絕倚閭人。

長安索米悵何依。年少江南一布衣。入洛陸機詞賦滿。

游秦張祿姓名非。京闈以顧姓應試壯心有劍雞催舞。浪跡無枝

鵲亂飛。羸得虛聲供嚇風。廿三經義一時揮。以五經獲解

東華初步軟塵紅。移直樞曹地望崇。五夜趨朝雞唱月。

九秋出塞馬嘶風沉沉鎖院聽鈴索漠漠周防挽角弓

六載微勞差自慰西師及見告成功補中書入直軍機前後凡六年時方用兵西陲

歷歷巢痕記憶真一時風氣一時人會因倬直深嚴地

及事當朝老大臣門館無私心似水衣冠有慶物皆春

只今回首平津閣慚愧曾充座上賓謂傳文忠注文端公

寸寸鮎魚上竹竿生平一第最艱難不周山下頭曾觸

無定河邊骨欲寒辛苦醫家三折臂渺茫仙路九還丹

誰知禿盡中書筆方得詞人本分官會試凡六度始中式

一桂枝高手已攀臚傳聲裏另排班雖非五色蓬萊頂

猶占三茅句曲山千步御街中道出一條軟繡九衢還

人生此福難消受老去追思轉汗顏

頭銜已失冠山鰲猶忝西清供奉勞 盛世文章臺閣

貴清班官職鳳麟高奎堂校士春蠶葉官燭修書秋兔

毫斗食敢嫌飢曼倩書生榮遇是詞曹三度分校京闈一主武鄉試修書方畧館凡四年

單車迢遞赴邊城出守天南萬里程正欲拊循為父母

豈知伉直忤公卿水中見蟹猶生怒杯底逢蛇得不驚

猶仗 御屏題筆在在京蒙恩記名凡三次彈章未敢斥歸耕出守鎮安以交南事變被劾

真微從軍掃劫塵奉命赴滇從軍征緬千層瘴嶺踏嶙峋山深應有

藐姑射路險且隨生女真時與索倫兵同行千檄淋漓常脫腕一

刀磨洗不離身沙場戰死男兒事多愧今猶作幸人

歸途重入粵西天。父老紛迎拜馬前。其喜未為兵死鬼。自慚不作肉飛仙。山川劫外無虛警。雞犬村中有晏眠。笑語士民釘未拔。可應戶出拔釘錢。

萬山深處喜民和。不用刑威但撫摩。地遠中原游客少。

天連南極老人多。雞豚晚社爭扶醉。士女春墟解唱歌。

辜負此邦輿誦好。攀轅千里送關河。移守廣州數月鎮安民陳恂等不遠四千里送萬民

衣徽至署

量移東粵理繁艱。首都叨塵領袖班。謬忝作兄諸弟上。

頗難為婦兩姑間。沉沉曉鼓應官去。落落春旗按部還。

一事差償壯游志。羅浮頂看海廻瀾。廣州謝事作羅浮之游

露欄星旌到夜郎。漏天淫雨暑天霜。人來青瑣原仙吏。

地人烏蠻是鬼方。黔東為羅施鬼國黔西為羅殿鬼國 臣子敢論官美惡。

君王自重治循良。只因慈惠當歸字。望斷吳雲萬里長。

三政歸裝一擔輕。歸田後蒙 仗躬耕。豈期空谷歸神放。

猶荷深宮問賈。恩垂前者再 宦還鄉修孝弟。文章報

國頌昇平只餘六。共循咳處消慰烏私一片情。

負土營成馬鬣堆。琴彈罷選期催。路旁有鬼看先笑。

命裏無官病忽來。臂疾竟成將朽木。肘方難起不燃灰。

中流返棹何勝感。風到神山輒引廻。赴京補官兩臂頓患風痺自臺兒莊回舟

藥餌多年病漸消。回看同輩盡旌旄。胸中五嶽平猶起。

頭上。千薪積已高。老態豈堪還。舞袖交情難。受是綈袍。濟時功業原須早。搔首徒深感二毛。

買得湖干築草堂。踈籬曲檻水中央。誇張有絹千頭橘。防備無衣百本桑。寒士蓋鹽原易足。少年糠覈已粗償。

無端失計移城市。貪慕東坡住顧塘。

坡公舊寓顧塘橋遺址。尚存。余於與之隣近。

里居何物可消閒。依舊書生靜掩關。尚有眼光牛背上。不消髀肉馬蹄間。半籌殘火聽譙鼓。一縷名香裊博山。

訂罷史編翻自笑。干卿甚事苦增刪。

方嶺修餘叢考

忽入繁華夢一場。頻年踪跡落維揚。豈應垂老冬烘客。來聽清歌夜度娘。高館論文移座滿。踈燈看奕引杯長。

後人倘葺平山誌。莫便疑為杜牧狂。

揚州上安定講席

烽火遙傳海上洲。故人邀我作閩遊。也因國事來焦額。

豈必邊功自出頭。人命死生三寸筆。軍儲羸縮五更籌。

誰知大戟長槍裏。薄有書生一得謀。

臺灣用兵在閩督李欽齋幕府一年

重到揚州設絳幃。論文又作數年淹。蠅頭細字宵燃燭。

塵尾清談晝下簾。小住本同吳市乞。久留恐被楚人鉗。

故鄉自有佳風月。留待詩人甲乙籤。

流光難挽魯陽戈。漸欲經營安樂窩。與我偕行惟竹丈。非人不暖有湯婆。詩傳誰復將絲繡。身老何堪與墨磨。

回首壯年豪俠處。曾衝鼻息拂星河。

已是禪堂退院師。曼卿意氣尚酣嬉。閒中調語談天口。  
老去雄心弔古詩。留客且爲無事飲。對花還作有情痴。  
羲之樂死從今定。濕哭乾啼總不知。  
踏遍岐途識淨因。塵勞總誤百年身。無官豈必皆高士。  
有福何須作貴人。荏叟老爲齊物論。堯夫生是太平民。  
瓦盆小酌茅簷曝。領袖羲皇一片春。  
昇平郊藪鳳麟游。無限英才要出頭。詞賦動誇今李杜。  
山林并少假巢由。衰癯敢自居耆宿。宏獎翻愁誤俊流。  
聊與擴開新眼界。梯梳更上一層樓。少年意氣慕千秋。擬作人間第一流。豈意壯懷三不朽。  
終成老物四宜休。隙駒虛擲分陰過。皮豹徒憑一卷留。  
若果輪廻有來世。誓從髻齒便勤修。

春農同年挽詞

秘省抽毫麗綺霞。遂初中茂別東華。江湖盟長諸名士。  
碑版文推一作家。嘆惜壯懷燈下酒。憎騰老眼霧中花。  
白頭同譜今餘幾。腸斷當年共草麻。

竹初用導引之術。面有少容。蓋已學道有得矣。戲贈

英雄歲晚例修真。一寸丹田守谷神。古有長生今亦鬼。  
天如可上地無人。煉形未必逃蟬蛻。導氣聊堪作鳥伸。

君是錢鏐老孫子故應多閱幾紅塵

近日常刻詩集者又十數家翻閱之餘戲題一律

只為名心鉢肺肝紛紛梨棗競雕刊豈知同在恆沙數  
誰獨能迴大海淵後代時逾前代久今人傳比古人難  
如何三寸雞毛筆便作擎天柱地看

聞湖南苗首就誅軍事告藏詩以誌喜

露布遙傳定百蠻五溪烽火報平安生來盤瓠原殊族  
初起車巴尚畏官持重徒勞穿土室成功終藉戰臯蘭  
始知用武承平世儒將非難勇將難

千里荆襄尚盜區繡衣持斧未全誅好移虎帳平蠻卒

來掃虫沙伏莽徒鬼道不靈殲米賊兒啼可怖避麻胡  
待看蕩洗兵氛淨依舊耕桑遍兩湖時湖北敵匪尚未平逆苗  
統謀可移兵併力掃除也

汪屏周宅喜晤畫士張玉川昔年同客文端師邸  
第者也二君今皆八十餘余亦七十一矣握手

道故欣感交集兼寄時齋副憲

四十年前踏軟塵春明邸舍記靈椿即在椿  
樹榭前那知晚歲無

同輩猶剩貧交幾故人白首朋簪聯近局青燈賓館憶

平津稍欣東閣郎君貴應亦相關念昔因時齋弱冠時  
常共談燕

題齋生徐州勘災散賑詩卷

勘遍災黎灑淚枯歸來詩卷帶泥塗萬家感泣鮮于路

一幅流亡鄭俠圖。死已隨波作魚鼈。生猶栖水似鷗鳧。  
可憐饑溺相關處。一個儒官抱牘呼。

題曾賓谷運使邗上題襟集

稷飲紅橋事久無。使君重把雅輪扶。詩聯陳起江湖集。  
句入張爲主客圖。人本玉堂工授簡。官閒鈴閣愛投壺。  
劇憐我昔揚州住。旅館清吟興大孤。

閱明史有感於流賊事

崔苻何意蔓難圖。初起潢池本易俘。賊不殺官猶畏法。  
兵無戰將孰捐軀。師行共指軒中鶴。寇去方追幕上烏。  
歷歷前朝陳迹在。是誰專閫握軍符。

百年安堵享昇平。誰肯輕生孽亂萌。死有餘辜貪吏害。  
誕而走險小人情。彈丸黑子皆紛起。繩伎紅娘亦橫行。  
好片桑麻繁庶地。烽烟千里廢春耕。

懷塞外友人

五馬相隨似弟兄。別來喜聽建牙尊。豈期蜚語傳金穴。  
竟掛彈章出玉門。援廣難施修月斧。譴深長戴望天盆。  
可憐昨歲猶書到。念我江南黃葉村。

追悼補山使相

崔苻纔起將星亡。丹旆飄飄出蜀疆。嗣祖焉知非是福。  
李流今已漸爭強。九原氣作山河壯。五等勲封帶礪長。

恩封伯爵 贏得口碑遺論在公存不至賊披猖

石稜眼焰戟鋒鬚節鉞威名懾萬夫

帝謂魏徵偏嫵媚人知呂相不糊塗開邊倖亦書生膽  
按部聲先墨吏誅今日平心論人物封疆籌略似公無

書感

從戎曾問日南琛申土何期起綠林敢幸退閒身不與  
自傷衰老力難任江湖憂國近何補戰伐稽時禍恐深  
只有天心終厭亂會消妖霧豁重陰

再哭偉兒

紙錢焚與作冥資知到閻羅第幾司汝去決非為賤鬼  
我來翻幸有親兒生前小膽多驚恐死後孤魂孰護持

思子臺空聊假寐夜深或有夢來時

聞秦蜀兵夾勦流賊奏捷喜賦

軍報傳來野老家喜聞奏捷出褒斜固知賊尚非張角  
從此軍應獲呂嘉腹背夾攻窮穴鼠尾頭雙捲運常蛇  
由來討逆須威克持重徒延歲月餘

屈指軍興歲一巡寇氛流毒遍村鄰醉人味似糟豬肉  
殤鬼竟為野馬塵復矢幾家招故壘亂骸何處認前身  
而今絕似償冤報賊寨啾啾哭碧磷

答子才見寄之作



仙有麗輪佛有航書生失計落詞場死生於世何輕重  
詩卷憑人說短長會未上書青鎖闥也無殺賊綠沉槍  
如何結習猶癡甚徒詫文章萬丈光

顧晴沙輓詩

同向江天把釣竿扁舟來往最交歡曾為才子先登第  
要作高人早去官遺愛尚畱秦蜀道吟情欲闢杜韓壇

君詩好

那堪纔寄詩筒去不及燈前一拆看

詩塚篇纔付夜航船寄去是日即聞君訃

省署簪毫出建牙我歸君亦即還家

君歸田後我一年

居鄉月旦

持清議奉母晨昏誦白華藻思捷如驚蛺蝶草書工過

歷殿墓誰知手選梁溪集白殿羣賢押後車

君選梁溪詩集甫刻成

秋帆制府挽詩

初聞未疾困炎陬誰料騎箕碧落遊羊祜惠猶畱峴首  
馬援功未竟壺頭風淒冽帳悲笳曲月冷籌邊古驛樓  
太息荆巫尚烽火益無人可倚軍謀

兩湖節制擁高牙俄值兵氛亂似麻劫火炎岡無玉石  
殺機起陸有龍蛇蠻箋夜草招降檄里鼓晨催轉餉車  
辛苦頻年戎馬地故應鬢髮總霜華

封疆歟歷廿餘年重是初階出木天死定仍為香案吏  
生曾獨領玉堂仙其推雅量休休大不藉威名赫赫傳  
此後孤寒更誰倚龍門回首總悽然

踪跡雖疎意自親。江湖每荷寄書頻。虛煩為我高懸榻。不及從公醉吐茵。南國烽烟悲遠道。東山絲竹渺前塵。不堪重過靈巖館。剩有羊曇淚滿巾。

去春遊公靈岩別墅

再題懷杜閣

杜公遊跡久成塵。偶檢遺篇指昔因。聊欲峴碑吟過客。敢為左傳作功臣。騷壇喜試凌虛步。幕府能扶大雅輪。從此虎邱增故事。山塘兼占浣花春。

公相阿文成公挽詩

黃髮番番映殿墀。秋風俄報節巾期。望兼勲德裴中立。身繫安危郭子儀。百戰功名圖像早。

九

重恩禮乞骸。遲老成歟謝何勝。感不但羊曇哭故知。

汗馬歸來錫命榮。爵頒圭組位鈞衡。周官已極三公貴。魯論猶餘半部精。行酒從容人避席。聽歌慷慨客彈箏。生平論相推姚宋。不敢輕言秉國成。烽火無端楚蜀疆。其期元老奮鷹揚。年高不復臨軍旅。身在猶能重廟堂。華衮易名公論定。豐碑賜葬國恩長。祇應一事還畱憾。未見荆巫靖陸梁。身履星辰地最尊。敢將疏曠說交親。曾經戎馬同甘苦。頻向江湖念隱淪。每見余族孫味亭中翰必問余近狀相業已歸青史傳。軍諮今亦白頭人。此生無復西州過。遙憶平津淚滿巾。

子才昔年預索輓詩竟無恙今以腹疾就醫揚州

又索生輓戲再作以遲其行

昔年索輓却仍留再為先生賦遠遊生有自來從萬里

君自言前身點蒼山老猿

死無遺恨占千秋門前贊并收粧閣

晚年多女弟子海內

詩皆入選樓

採詩高作詩話

只恐替人難覓得驪駒歌罷又停騶

不早休官也列卿超然湖海結鷗盟烟花享盡人清福

詩卷遙收世大名不古不今成一期非仙非佛自孤行

未須便辦迎笙鶴天尚留君賦鹿鳴

明年戊午科鄉試君重屆鹿鳴宴矣

鈔關門放舟至高旻寺訪鑑公練塘

尋僧閒喚漿牙開正值秋成稻滿堆近路仍遙綠岸曲

順流忽逆為潮來疎林霜薄繞黃葉淺渚沙明少綠苔

一笑到門剛過午閣黎鐘已放齋回

閱邸抄賊至利川邑令尹英圖約鄰邑周景福糾

集鄉勇截殺數千大獲全勝喜賦

邸報傳來信已真利川江上破黃巾能糾義旅同殲賊

自是清官素得民白挺不須矛戟銳丹楓都變幟旗新

早聞

聖主酬功速遷秩蠲租與命申

縣令皆擢郡守邑民蠲租三年

衝鋒破陣總鄉農拋却鋤犁學挽弓皮靴毳空稱練士

毛葫蘆轉遣臨戎勒成部伍如軍令戰死沙場亦鬼雄

都是國家培養出同讐敵愾到兒童

經年羽檄促征驂只望雄師虎穴探絕塞徵兵挑甲卒  
深山轉餉挽丁男朝家錢幣糜千萬幕府金貂賜再  
三今日戰功堪載筆翻輸吏健士軍慙

芸浦中丞移節閩疆不數月復奉命來撫江南吳

民歡聲載道爰紀以詩即贈

絳節移闕暫駐驂吳儂翹首正依依重來天果從人願  
小別公如作客歸民慶二舖長有托吏遵六計未全違  
福星合在江南照那許他邦久借暉

來在郵籤兩月期故園頻喜駐旌麾似償少日題橋柱

惜未炎天燠荔支

仲秋到閩  
冬即調任

三節還鄉豪傑事一年借寇

吏民思向隅獨有閩人嘆不得雷公見設施  
仙霞高嶺劔州灘回首今辭行路難人指江南為福地  
帝知吳下憶清官兵氛路遠民安堵稽事年豐戶飽餐  
早識隨輪膏澤到下車時正雪花團

自七月不雨公到  
任日乃大雪五寸

人素食招夢樓佩香小集寓齋

客中被寂賴吟朋小治伊蒲饌尙能雅集不妨粧閣女  
枯禪俱已在家僧座無何肉清如水室有唐花暖未冰  
便抵吳門蔡經宅麻姑親降寵難勝

不是持齋學太常劉輿賦恐污清芳得邀霞帔來仙界

敢溷天花散道場春茗烹當重醞酒臘梅開作辟寒香  
畱賓莫笑無葦血此亦詩家白戰方

揚州遇陸朗夫中丞子文駟感賦

士龍子弟見無因忽遇饑驅邗水濱廉吏可為兒作客

故人已死鬼成神湖南人傳公為全省城隍神贊之謝薌泉侍御亦云西華冬服猶披葛

南國春祠共薦蘋聞道靈旗移故土貽麻倘救後人貧

蘇州人傳公調江南城隍王夢樓云

袁子才輓詩

索輓連番竟不行此番真是送登程死應仍去為猿嘯  
生不畱看賦鹿鳴花月千場供老福詩文一代享高名

只愁未免風流罪欲為繙經度化城

三家旗鼓各相當十載何堪兩告亡謂君與蔣心餘今日倚樓唯

我在他時傳世究誰長本非邢尹生相妬縱到彭聃死

亦殤衰朽只悲同調盡獨搔白首覽蒼茫

王西莊光祿輓詩

歲在龍蛇識可驚儒林果失鄭康成宦情淡有千秋業

文望高於一甲名公甲戌榜眼白首叢編成又改青燈老眼瞽

重明雙瞽後再明從今學海誰津導我哭先生為後生

束髮攻書到老翁未曾一日輟研窮遍搜漢末遺文碎

不鬪虞初小說工後輩豈知真學問幾時再有此

公最精學七言律五

淹通存亡莫道無關係直在蒼茫氣數中

風趣長康半點癡牙籌不諱手親持出門誤認儀同宅

築室遙催錄事貲皇前三都求作序李邕四裔乞書碑

卽論致富惟文字前輩高風亦可思

至蘇州瘦銅子孝彥來見泣然有作

葛帔相看淚滿衣貧官門戶已全非僅餘我作青蠅弔

猶憶君邀畫鷁飛徐道頓安任過蘇州身去空留詩句好命

窮直到子孫微一驂脫贈終何補慚愧論交共瘠肥

杭州晤同年謝蘊山藩伯

汾晉移旌僅一年重來浙土奏旬宣

帝期東海長無警公與西湖夙有緣杭越總歸千厦庇

白蘇僅以兩堤傳早聞力挽頽風處先凜冰霜素節堅

退衙無事擁牙籤補史亭前畫下簾不擇地知文思湧

無堅城爲筆鋒銛名高應竝湖山久才大何妨嘯詠兼

勲業文章都佔盡使君毋乃取傷廉

晤同年馮星石鴻臚

瓊林同赴日初寅彈指幾將四十春福地湖山歸養日

戲場袍笏倦遊人一編自訂睂山集君手註蘇詩五畝猶

懸魏闕身榜下未交林下見相從那不自頭新

蘊山招同星石湖舫遊讌

青雲同榜幾人存三老相逢意倍敦畫舫烟波人在鏡  
行厨櫻筍客開樽湖山謝傳圍棋墅松檜馮家大樹村  
慚愧遊春煩地主旌麾遠出湧金門

四月廿二日鎮江看都天會因雨阻改期訪王夢

樓出家伎奏樂卽席二首

神會傳聞麗羽旋我來恰值雨蕭騷不逢蜃市千層幻  
翻聽霓裳一曲高軟脚敢煩開近局邀頭不枉泛輕舸  
看他十六天魔舞已賽靈風颭鷺翹

曾探若木泛東溟君曾隨冊使封琉球五馬歸來謝綬簪閒以聰明

修淨業老憑歌舞君奉佛已廿餘年而性好音律耗雄心一堂漱管遊仙曲

君以書名海內臨汝亡來誰作達讀讓君游戲

閩風岑

佩香女史聞余至枉惠珍饌侑以佳章次韻奉謝  
訪舊江干泊野航美人珍贈意何長揮毫好句明珠顆  
出水鮮鱗白玉肪女得仙原不老髮僧出定倘能狂  
何當改作清娛婢常侍瑤臺禮佛香

佩香疊韻來索和再次奉答

又勞題句送吳航正值遊街軟繡長廿五日綵仗迎神排  
鴈字珍厨款客截鵝肪是日茅耕亭學士何劍亭秀才先後招飲人閒競作逢場

戲吾老聊隨舉國狂只有清吟校書女閉門獨對一爐

香

慶晴村為尹文端師第五子舊與余同學自都門

別後不相見者三十餘年矣今以將軍來鎮江

寧握手道故敬呈三律

昔日郎君今重臣卅年相見倍情親依然東郡趨庭處

來作南邦坐鎮人文端師節制兩江時君尚隨侍叔子風流裘帶緩臨淮精

采幟旗新金陵父老欣相語風貌猶傳故相真

何處江南非舊遊清陰滿眼召棠留即看今日施行馬

猶為先人問喘牛老輩何稱佳子弟世家已復舊公侯

遙知不繫舟邊過慨想前徽有淚流不繫舟文端節制署中園名

聯吟可惜失隨園袁子才嘗出入文端幕與君最密同學今惟兩弟昆君喜

有朋來自遠我慚無佛易稱尊六朝陳跡才人筆一品

崇班上將門從此郵筒往來便莫辭好句寄江村

昔歲曾與偉兒同登金山扁舟重過泫然有作

會攜愛子捫烟蘿今日重來感慨多落日壯心千里目

秋風老淚百年歌空留名姓題曾到只有江山亘不磨

從此妙高臺上路芒鞋何忍再經過

揚州哭澁楚編修

纔是春筵累治庖忽傳噩耗到江郊十年混跡繁華地

一個知心冷淡交論事胸猶森五岳著書夢久玩三爻



側聞去路分明甚浴罷更衣便打包

藜火精勤校石渠蓬山仙籍拜新除

君成進士後以總校四庫書特賜翰林

得償

天上難成願遍覽人間未見書已徙新居三徑外

前歲漸遷居

凋先業二毛初我來剩有披帷哭誰更論文一起予

哭祝芷堂侍御

哀音來自海東偏目斷吳淞黯暮烟自古高才無厚福

况能早達又長年賈生去國為遷客李洞尊師奉浪仙

老我門牆更誰倚非關荒邨一莊田

綺歲登瀛氣吐虹共占王掾黑頭公五更秘閣青藜火

萬里征輶繡旆風仗馬一鳴辭曉闕塞鴻孤唳落寒空

書生只合文章進何事輕乘御史驄

君以封事罷官

講席寥蕭海一隅聊同祠祿養閒儒巢低尚恐遭鳩奪

轍涸憑誰救鮒枯往日聲華輕令僕老來衣食傍江湖

更憐旅殯華亭館知復何時返故區

同在江天履跡清歲時一晤倍關情中郎書擬歸王粲

永叔文先弔曼卿賴有麥舟分賻厚

費中丞致厚賻

稍欣黎板刻

詩成

所著悅親樓集今夏刻成

老來哭盡諸前輩又向人間哭後生

時齋副憲子綬林已得恩廕南歸省墓枉道過存

話舊感賦

荷衣出拜記垂髫頭角今看鳳有苞歐棐十年南浦別

甲辰歲余與時齋別於  
荏花浦今已十五年

昌黎三世北平交賞延任子欣傳笏

避無臺出打包慚愧前人指困蒞芥舟水淺感堂坳

因君歷歷話京塵重憶當年絳帳親文端師愛士殷懷廉孟

子論文正派趙周臣趙秉文  
字周臣舊遊歲久看成古良晤緣稀

見倍親回首師門何限淚生平恩誼荷平津

早稲田大学図書館

011888007794